

誠

齋

集

一一

誠齋集

誠齋集

PDG

誠齋集卷第四十二

廬陵楊

万里

廷秀

詩

退休集

題曾世夫願齋

吾友子曾子滋蘭澗溪幽葯房動波底韋編著
床頭夢吞六畫香身從三聖游上瞻岐山開下聆
雷聲收告干闕靈龜潛洲騎玉蚪食菲足自養乃不
願非所未一朝浮洛書綠字獻禹疇分半啖虞翻
相視一笑休

曉起

霜挾清寒凍殺人袖中十指怯頭巾金篦落地拾
不得却是穿窻曉日痕

月午

揭竿借日自烘衣背立睛暄片子時雪後春生人
未覺弄絲蟾子獨先知

賀胡守寺正禱雪響應

廬陵新事一奇絕老農七年不識雪史君領取六
花來一夜九天開玉闕萬家鑄作銀樓臺千峰琢
出瓊崔嵬頻歲魁兒崇禪極來秋雲子如芋魁老

夫與雪亦久別滕六參儂永善說為渠拍此一辨
香今身胡姓前身黃只愁潁川歸廟堂不愁寰宇
無豐穰東閭官梅應解語綠毛么鳳仍能舞合詞
再拜壽史君滿為天花中玉醪

十二月二十七日立春夜不寐

冬夜嫌長只望春春宵又永更何言曉稍強合終
無睡脚底相摩也不溫竟夕松風聽到曉忽明燈
火看來昏擁細却起蒙頭坐顧影真成一病猿

送黃幾先司戶

吾友黃編修用不究其挾有子傳父書潛心泣麟

業胸中石渠牘筆底秋鷹捷蟾兔贈一枝衣鉢續
四葉不應千里來乃欲一揖別恰當新酒熟幸與
故人接細酌且短檠軟語更長鋏去去謁九扉天
路看高躡

寄題南昌尉廳思賢亭

南昌尉廳之右有孺子墓墓前故有思賢亭
中更兵餘亭毀墓湮今尉劍津張敬之因葺
公解披榛得墓按圖謀墓旁有九里井求之
得井又有畦耕桓伊墓下得甕三款識云晉
平南將軍墓去聘君墓七里驗其遐通而信

因表其墓復其亭云敬為賦之

有客栖霞外無名沈黨中南州一高士東漢獨清
風舊國已禾女荒阡猶石翁更煩吹笛魄端為洗
榛叢

甲子初春即事

老子燒香罷蜂兒作隊來徘徊繞襟袖將謂是花
開
臘去寒猶在春來花未開東風忽然到放盡一園

梅

徑李渾穠白山桃半淡紅杏花紅又白非淡亦非

穠

只有觀書樂其如病眼何但今吾意適不必卷頭

多

驟暖如初箕通身退袂衣只言寒已去却等五更

歸

人怨花遲發天教暖早催不知要催落却道是催

開

二月十四日曉起看海棠

過兩天猶濕新晴日尚寒懸知曉粧好破霧急來

看

初日光殊薄晴梢露正濃真珠粧未穩更着柳邊風

晚得看花訣丁寧越絕農乘他醉眠起別是一精神

四面花光合一身香霧紅忽從霞綺上跳下錦城中

花密無重數看來眼轉迷化為花世界忘却日東西

外種百來樹中安一小亭放眸紅未了紅了是天青

老子侵星起蜂兒先我忙淵才無鼻孔信口道無香

除却牡丹了海棠當亞元豔起紅白外香在有無間

寄題表機仲侍郎殿撰建溪北山四景

妙淨菴

韓子不肯佛饒操苦出家何如妙淨老紫素碧蓮花

水壺閣

竹園風世界梅兄雪友朋地清無可比且道玉壺

水

玉虹橋

銀河月外來玉虹天上落騎虹弄銀河人間無箇
樂

抗雲亭

脚底一朵雲乘之繞空碧前身王子喬今代李太
白

題張季長少卿飾菴名取告詞云學足以
自飾

吾友張飾菴學到賁上白真賁初非文至飾亦無

色君看瑄王姿豈借青黃飾寶氣不自中白虹貫
空碧飾菴隱岷嶺英名震京國曾論感鳳歎春秋
辯麟獲孝廟聘丘園有來校墳籍光皇訪忠賢再
起貳卿棘未應兩朝舊不待九重側訓詞揭昭回
聖意深記憶盍歸贊人文小却猶講席未要從子
真帶月耕巖石

十山歌呈太守胡平一

螺岡市上惡少為群剽掠行旅民甚病之太
守寺正胡公命賊曹禽其魁杖而屏之遠方
道路清夷遂無豺虎塗歌野咏輒撫其詞隱

括為山歌十解庶未詩者下轉而上聞云

豺虎深交鴈鴛行到官管取汝無妨只將剽劫為
喧鬧喝放歸來儘陸梁

群盜常山蛇勢如一偷捕獲十偷挾十偷行賂一
偷免百姓如何柰得渠

塗客前春荷一豬城門賣得兩千餘明朝回到石
斧嶺連喫數刀今在無

說似行人且細聽螺岡門外莫宵征前頭石斧韓
婆嶺第一單身不要行

後趙前丁兩使君群偷望見搃星奔後人却笑渠

儂猛仁及偷兒不及民

丁御季囚賊士牢趙
器之推折賊脚

王黃二盜久馳聲手捧腰刀白晝行
逢着村人持一物喝令放下敢誰爭

近有村人帶血論使君親與驗傷痕
驚行剛道非行劫只是行人兩作喧

賢尹如何受吏謾青天白日萬人看
忽然一展霹靂手盡杖偷魁竄遠壑

北門今早頌然清懷壁操金儘夜行
却有一般可憐衣群偷枉却費家兄

行人滿路喜歌呼小盜何須辱廟謨
早箇使君歸

鼎軸為禽頡利繫單于

五月十六夜病中無聊起來步月

拋官放浪十三年底事今年病嬾殘舊健肯饒梅
摘索新羸翻羨竹平安

無求不必位三公一飽何須祿萬鍾只有人生安
樂好享他明月與清風

人睡方酣雞未知起來叫轉月華西南風吹落北
斗柄細數月中丹桂枝

夏日雖炎夜却清四更還更勝三更露從玉兔鬚
根落風在銀河浪底生

道是月明星便稀阿瞞此句未為奇今宵斗柄也
不見一鏡孤光天四垂

題李季章中書舍人石林堂

紫微仙人今太白不愛好官愛奇石頃從道山歸
雪山一葉漁船一橫笛船過宣池月滿空乘雲飛
上九華峯十指一掬九芙蓉和月擎取歸船中歸
到鴈湖秋水碧萬斛酒船觴九客巖頤諸峰作不
速不待折簡登几席儂與石兄殊不踈問訊別來
安穩無米元章見奇石具衣冠拜之呼為石兄云

與長孺共讀杜詩

病身兀兀腦岑岑偶到兒曹文字林一卷杜詩揉
欲爛兩人齋讀味初深斲肝枉却期千載漏眼誰
曾更再尋筆底姦雄死猶毒莫將饒舌泄渠心

食蓮子

白玉蜂兒綠玉房蜂房未綻已聞香蜂兒解醒詩
人醉一嚼清冰一燕霜

城中蓮子買將歸未問嘗新早與逢偶憶湧金門
外曉畫船帶露摘來時

戢戢蜂兒出露房未生翅股及鋒芒丁寧莫遣他
人剝要染儂家十指香

族人同諸友問疾

老無星事可營為政是長閑好病時兩脚倦行羸
得坐一生欠睡頻上聲還伊夢聞有客欣然起見道
勤翁乃爾癡抵掌縱談天亦笑此身安否更曾知
摩詰沉痾未易排文殊一問失妖災老夫何幸君
賢集倒屣出迎雙眼開語造極時全愈了病知客
去即重來呼兒細揀新書策休不佳時看一回

病中復脚痛終日倦坐遣悶

滿眼生花雪滿顛者稀又過四雙年誰知病脚妨
行步只見端居道坐禪隨扇几旁猶嬾拾檢書牕

丁更能前世人總羨飛仙侶我羨行人便是仙

六月二十四日病起喜兩聞鸛與大兒議

秋涼一出游山

未伏將催中伏休忽忽送夏又迎秋暑中竹色風
仍雨病裏鸛聲喜破愁大熟十年無此作微生一
飽更何求急須剩踏蓮花麴藥玉新船待拍浮

五年

酒法用蓮

花作趙

病勢初來敵頗強排山倒海也難當老夫笑把東
西玉堅子難截上下盲酒陣時聞報三捷詩壇元
不費單槍夜來夢入清涼國風月水人別是鄉

暑氣朝來掃地空
南風畢竟讓西風
秋生楚尾吳頭外
涼殺天涯地角中
萬疊山連千澗水
雙行纒伴一郡筒
初程道是窮忙著
且宿東山東復東

雨後曉起看山

晨起出蓬戶
換却隔水峯
細看只舊山
色與昨不同
雖經夜來雨
未必有許功
雲師挈衆峴
置在藍水中
沙土俱綠淨
草樹添青葱
不然近秋裏
那得還春容
此意殊不淺
要將調詩翁
判斷索一語
可惜語不工
正使語工著
不如山色濃

病中七夕

良辰美景底須來苦惱如山正滿懷
蟬度清歌侑溪柳花吹黃雪灑官槐
新秋風物俱堪賞久病心惰自不佳
說與兒童休乞巧老夫守拙尚多乖

秋熱

今年秋熱倍常年更住西峯落照村
最是櫻桃梢上日裴回不落等黃昏

食菱

雞頭吾弟藕吾兄頭角嶄然也不爭
白璧中藏煙水晦紅裳左袒雪花明
一生子木非知己千載靈均是主盟
每到炎官張火傘西山未當聖之清

晚酌

暑天寒果釘來餒水果清於木果休蓮入新秋何
便瘦菱沉到底竟能浮山泉釀酒香仍冽野藪堆
盤爽更幽方丈食前非不愛風蟬一腹飽詩愁

七夕後一夜月中露坐

火雲散作鬱金雲簷際移床偃病身古井石崖新
汲水花洲苔砌蕩晴塵風綫小動即停吹竹自不
涼那及人獨感今霄上弦月挂梢分露滴紗巾

今古詩人愛月圓未堪商略玉嬋娟脩眉丰璧各
自好團鏡磨鎌俱可憐一夜一般新樣出幾回幾

換為人妍教渠也學金鴉扇未必清光直一錢

夜熱不寐曉起步溪上

夜氣積到曉微涼方滿川老夫乘早起落月正娟
然拄杖了疲擔行人憇痛肩勞生誰獨免客路最
堪憐

寄題趙漕秘閣東山堂

充夫

阿且東山着乾坤十兩世界三疊村阿安東山著
一身白雲保社明月鄰此山祗合館此客千載阿
誰敢爭席趙侯玉立隆準孫洗空凡馬追古人千
山萬水略行徧一錐卓住東洋岸東洋山麓東復

東築堂折簡招兩公
倒提北斗酌銀漢
靈山作樽江作鍾
浩歌小袖經綸手
笑與兩公舉天酒
東山今屬趙家莊
敬請兩公遷別鄉

送吉州解魁左人傑詣太常

年十五

高皇一馬化龍日
臨軒策士誰第一
玉山山下汪端明
年財十八第一人
聖上來年集英殿
黃繖中央橫玉案
何人再續老尚書
永水左家千里駒
春秋三傳貯胸臆
買紙待傳晁董策
君才盍與汪相先
君年更少汪兩年

送左元規三詣太常

晉侯三駕楚莫爭薛侯三箭天山平江西今代再
丘明親到杏壇授麟經筆陣獨掃萬人軍兩魁槐
花再薦名來年蘭省與集英三元不數馮家京

送廬陵宰趙村老

趙侯龍種秀天潢金玉肝脾錦繡腸未復九人黃
閣相猶堪三字紫微郎飢餐蘭菊枝枝月醉灑雲
煙句句霜誰與邦民頌遺愛老夫端欲續甘棠

子相者九人近冊
趙大本除西掖

送項聖與請太常

廬溪書院一番新千里學子來如雲天教書院名

日起速化先從主人始主人主盟為阿誰楚漢名
家今項斯胸中五車載書卷筆端三峽傾水硯魯
秉周禮說一經有司把燭題秋薦鵠袍詣闕柳袍
歸來年書院更光輝

林疾復作醫云忌文字勞心曉起自警

半似枯禪半似癡也無何慮與何思偶看清曉雙
雙蝶飛徧黃花一一枝

荒耽詩句枉勞心懺悔鷲花罷苦吟也不欠渠陶
謝債夜來夢裏又相尋

題朱伯勤千峯紫翠樓

秀嶺西頭鳳嶺東周曹略數一千峯商量沒頻新
樓處頻著音穠藍醜紫中

一色千峯翠作圍忽然齊換紫緋衣客來欲識樓
中景祇等金鴉浴海時

易允升畫像贊

踈髯撼欲無短鬢搔已禿定知得句來暗喜見眉

目

嚴陵決曹易允升自官下遣騎歸寫予老

醜因題其額

玉泉半潭水釣臺萬岳雪汝徃訪客星剩挾一磨

衲

又自贊

清風索我吟明月勸我飲醉倒落花前天地即衾
枕

寄題承新昊天觀賀知宮方外軒

君家秘監唐詩客飲中八仙渠第一君家水部晉
仙真曾拜東封玉路塵毳今孫子方外士羽衣霞
佩雲為袂月下維山吹鳳笙霧裡華陽割龍耳何
當踞龜食蛤蜊大嚼碧藕嬉瑤池若見君家兩仙
伯為儂寄聲好將息

寄題萬安蕭和卿雲岡書院

君不見南軒先生以道鳴嶽麓書院陶諸生君不見
見晦菴先生妙經學廬山書院榜白鹿吾鄉蕭君
八葉孫雲岡築齋高入雲芝蘭玉樹爭績文江湖
鶴袍爭駿奔顧師朱張兩先生駟馬高蓋塞里門

題王晉輔專春亭

向來王家癖於馬今來王家癖於花洛陽城裏花
如海一半移取來君家此花就中最穠麗姚家黃
兼魏家紫花王更有王中王看却姚魏千花降一
春好處君知否上巳前頭寒食後千花不用妬渠

伊此外春光更屬誰

題王晉輔桂堂

諸天別有金色界金粟如來更奇怪玉露洗面飾
金風黃雲迎下月姨宮未與群芳較顏色寒香世
界誰較得一箇世界一粟中萬粟世界香無窮詩
人夢入廣寒殿香殺詩人天不管

贈臨川嚴恭伯秀才

臨汝嚴夫子擗笳扣敝廬文如漆園社人似客星
孤善相遺麟瘦深參得腹腴行看最先進辨論詘
諸儒嚴功最先進辨論大臣數
數詘莊周後為嚴子

送羅季周主簿之官八桂

憶昔相從夜誦時子垂兩鬢我初髧
梧桐葉落猶無睡桃李春歸總不知
我已懸車老巖岳子方斂板走塔墀
莫嫌衰病人皆棄挂嶺梅花寄一枝

乙丑改元開禧元日

開禧元祀更元正宿兩新收放曉晴
夜半梅花添一歲夢中爆竹報殘更
方知人喜天亦喜作磨鍾鳴雞未鳴
老子年齡君莫問屠蘓飲了更無兄

立春日

何處新春好深山處士家風光先著
柳日色款催

花

寄題鄒有常愛蓮亭

道鄉先生有族子卜築富川弄江水更穿兩沼磨
碧銅分種芙蓉了秋事一沼花白一沼紅新亭恰
當紅白中此花不與千花同吹香別是濂溪風

題分宜李少度燕谷

君不見向來吹律談天衍能令寒谷回春暖君不
見秣今挂山謝良齋能回燕谷為春臺謫仙耳孫
有仙骨家傳謫仙好風月斲開別墅一谷中管領
春光醉煙雪良齋作記印此山山與主人千載傳

谷中花柳莫放過乞取風月三千篇

荅胡伯圓贈詩

澹老即君阿永賢渥注財駕折金鞭只今兩子似
連璧一建雙旌開二天白馬將軍震交趾青錢學
士即日泉弟兄蕙茂仍蘭發頗有機雲在眼前

荅胡仲方贈詩

疇昔昭王渡楚江得萍斗大爵甘芳因君黃綬作
此縣問古青蘋何處鄉民樂弦歌變言偃天將挑
李醉河陽望即舊說為邑宰邑宰今看為望郎

病中春雨聞東園花盛

萬類欣欣一老悲物華豈是不佳時病夫自與春
無分好景非於我獨遺花底報來開已闌雨中過
了更曾知風光九十今強半又約芳菲隔歲期

兩齋看東園桃李行溪上進退格

藥裏關心正腹煩強排孤悶到東園行穿一一三
三徑來往紅紅白白間繞樹仰看渾不見隔溪回
望不勝繁村村桃李家家柳脚力酸時坐

春盡夜坐

春光草草病中休病眼逢春道是秋祇有青燈憐
此老伴人無睡照人愁

疾痛呼天天豈知知而不管亦何為偶拈白傳長
慶集又得驩欣片子時

病夫說病訴旁人他自開眉我自顰後有病夫看
病句不須告訴亦沾巾

去歲四月得淋疾今又四月病猶未愈

去歲四月病如今一歲來越吟三百日涼劑二千
杯極痛過手於割通身總是災花時久斷酒紅藥
為誰開

自遣

莫將一病苦憂煎山尚能游石可眠匹似病風兼

病脚老夫猶是地行仙

久病小愈雨中端午試筆

病較欣逢五五辰
宮衣忽憶拜天恩
舊時疊雪含風眼
今看空山兩點痕

愛與陳玄酷作綠
餘波染指黑爛班
呼童汲水無來底
自掬垂簷一滴悭

春去無花可得攀
石榴不艷却明鮮
昨朝花發今朝落
留得梢頭一帶看

月季元來挿得成
瓶中花落葉猶青
試將挿向蒼苔砌
小朵忽開雙眼明

送吉州太守胡平一寺正赴召

憶昔乾道游璧水君為秀孝儂博士逮今嘉泰歸
青原儂為州民君刺史人生離合風中雲白髮相
逢有幾人與君相逢又相別不待折柳眉先顰如
君豈弟民父母春風風人夏雨雨忽然一夜飛秋
霜驚殺鴈致鳥兼材狼政聲無翼到天上玉皇詔君
登廟廊即星卿月小借路金華玉堂即高步中與
賢闕育鳳麟向來未有秉鴻鈞私今丞相破荒了
第一衣鉢當傳君

病起覽鏡

病起長新骨居然非舊容
眼添佩環帶腰減抹花
蜂對面不相識何人忽此逢
吾身無定在更要問
窮通

覽鏡忽自問何方一病翁
生涯管城外本貫醉鄉
中筆硯今都廢尊壘久
屢空又將數莖雪顛顛見
西風

病中感秋

病中一刻抵三秋况見西風
再樹頭老去能禁幾
回病秋來不為別人愁
書惟夢覺疑僧榻竹戶涼
侵似客舟壽外康寧方是福
不然徒壽不須休

秋衣

晨興換新衣視身忽潛愕
腹皮雖百摺髀肉寬一握
沉痾兩年餘衰體半標落
且留宿塵垢莫遣新澡濯
未澡体尚肥既濯肌轉削
無髮已是僧有骨不如鸛
明年方八十似覺九十着
音酌寡食幸自清
辟穀底須學便可作飛仙
御風上雲幕如何肥瘠
想猶有秋衣作

夜讀詩卷

幽屏元無恨清愁不自任
兩牕兩橫卷一讀一沾襟
祇有三更月知予萬古心
病來謝杯杓吟罷重

長吟

病中止酒

平生萬事輕，惟以酒自娛。當其愛酒時，一日不可
無。老來因屬疾，不飲五月餘。客飲我不羨，而況逢
麴車。見杯不思斟，見樽不思酌。終日但清坐，此心
長泊如。只悟世人情，逐物非一途。仕者媿貂蟬，貨
者珍金珠。賜奉嗤原貧，由勇諷孔迂。何物真樂憂，
何人定巧愚。病後得反身，曠然同太虛。其餘君莫
問，麴生尚可踈。

病中喜雨呈李吉州

兩月炎暉烈未收連宵甘澍沛如流大田今日非
昨日多稼新秋賽舊秋涼氣隔簾深亦透香煙穿
袖散難留史君小試為霖手便作江西第一州

送戴良輔藥者歸城郭

君欲問淋疾便是法外刑剗剔備百毒更以皂焰
烹王皇夜半勅六丁押差戴君為藥丞倒囊剗手
探玉札一洗愁肺水雪清一生百病都好去不但
膏肓驅二豎寄言仲景與安常古今何代無醫王
寄題張仲寅甘老堂

屏山十論擇聖心甘老十論刮古今古今刮得都

見髓持觥玉工逢別趾玉皇左相攀陽封上與阿
且雙周公薦渠金門可登仕金門送渠外臺試渠
儂掉頭不肯行有雪可釣月可耕恩山紫巖椽來
大音精恩江白魚船樣箇綠萑青蕩霞上卧不知畢
通明眎東西過

送藥者陳國器

竇憲一舉空朔野曹霸一筆空凡馬吾鄉藥者有
陳生一九洗空萬藥者庸醫皆笑道旁莎陳生拈
出便是玉山禾庸醫皆笑澗下水陳生酌來便是
上池底也只不離神農書書外別得一土珠也只

不出岐伯論論外別得舌一寸舊遭痔疾惱殺儂
新遭淋疾與合縱恰如住在團田國晉楚腹背來
夾攻陳生贈我玉菌子乃是華陽洞中乘龍耳陳
生贈我紺葉紗乃是金鴉脚底扶來花汲泉親手
煮蟹眼一浣枯腸如浣沙平生舊疾蟬殼退秋風
吹落青天外更傳枕中鴻寶方戒勿浪傳泄天祿
君不見回巖仙客逢貧子指石成金吾濟甬貧子
再拜不要金襍覓指頭吾自指

送王長文赴上庠

吾鄉前輩王南賓讀書萬卷筆有神婁登天府獻

和璞玉工過眼珉奪真抵今有孫又奇絕踏雪攜
書詣金闕玉皇書院壁水中賜子半惚挑玉蟲端
能健筆追乃祖斗藪寸心寫千古廣寒掇取第一
枝早為雙親開兩眉

賀吉州李守臘雪

仁侯妙手作

音佐

廬陵民歌敏惠如神明歌聲動天

天降瑞一夜幻出瓊瑤城麗譙一新玉樓觀郡治

別起銀設廳曉上青原臺上望千門萬戶皆水晶

八邑山川一千里盡種琪樹璣為英幕僚秉燭爭

入賀老夫抱病獨僵卧寄言賀客此未奇來年玉

粒滑流匙萬艘真珠貢京師老夫已草周頌豐年
詩

除夕送次公子入京受縣

過眼光陰又歲窮相看父子一尊同春回雨點溪
聲裏人醉梅花燭影中汝趨暄和朝北闕我扶衰
病見東風弟兄努力思報國放我滄浪作釣翁

丙寅人日送藥者周叔亮歸吉水縣

拔草不拔根塞水不塞源忽然草生更水長敗却
禾稼仍滔天老夫昔歲得淋疾初謂一月今兩年
服藥六千六百錢望舒二十二回圓偶逢周郎顧

一詠擒二豎發藥何用多刀圭起沉痾向來肝腸
痛如割今來疾痛全然脫捉着根源盡掃除周郎
神暨天下無

病中感春

老去春來已薄情
病中病後更玲瓏
海棠紅醞飛成雪
楊柳金濃染作青
到得當家饒景物
不如舊日備園亭
一杯欲把還休去
遮莫鶯花笑獨醒

落花

紅紫成泥泥作塵
顛風不管惜花人
落花辭樹雖無語
別倩黃鸝告許春

兩中問訊金沙

金沙道是殿群芳不道荼蘼輸一場十里紅粧陷
青出一張錦被曬晴香只須舊蔭已無暑更走新
條如許長若恨昨朝來草草夜來風雨更禁當

寄題劉正卿雙清軒

吾鄉今代劉更生新序說苑落筆成問渠才思寧
底巧玉泉繞屋供雙清此泉來從何境界銀河飛
下雙羅帶便好乘槎犯斗星斫桂廣寒天上行

初夏病起曉步東園

低枝碧李壓人頭過雨黃梅滿道周紅日漏雲初

試暑綠陰酣露已偷秋

病起烏藤強自扶
三三徑裏曉晴初
鶯聲只在花梢近
行去行來不見渠

送羅正夫主簿之官餘干

君家人物已數世
後有秘丞前給事
近來復見鄉先生
武岡使君五經笥
君才自是一世英
珠玉照乘仍連城
妙年已號萬人敵
強仕初登千佛名
番君小屈習鑿齒
且與刺頭簿書底
即看給札試蘭臺
飛上木天校文字

五月三日早起步東園示幼輿子

雨香不及露華香竹液花膏馥葛裳儂與曉星成
二客更無人共上番涼

筠箕苔帚兩無蹤竊果畦丁職不供老子不來統
幾日松花榭葉滿亭中

端午病中止酒

病裏無聊費掃除節中不飲更愁予偶然一讀香
山集不但無愁病亦無

嘉定元年春三月男

長孺

編定

端平元年夏五月門人羅

茂良

校正

誠齋集卷第四十二終

誠齋集卷第四十三

廬陵楊 萬里 廷秀

賦

浯溪賦

予自二妃祠之下故人亭之旁招招漁舟薄遊三
湘風與水其俱順未一瞬而百里歛兩峯之際天
儼離立而不倚其一怪怪奇奇蕭然若仙客之鑑
清漪也其一蹇蹇諤諤然若忠臣之蹈鼎鑊也
怪而問焉乃浯溪也蓋唐亭峙其南嵒臺踞其北
上則危石對立而欲落下則清潭無底而正黑飛

鳥過之不敢立迹予初勇於好奇乃疾趨而登之
挽寒藤而垂足照衰容而下窺忽焉心動毛髮森
豎乃躋故步還至水滸剥苔讀碑慷慨弔古倦而
坐於釣磯之上喟然歎曰惟彼中唐國已膏肓匪
馬北方僅獲不士觀其一過不父日殺三庶其人
紀有不斃矣夫曲江為篋中之羽雄狐為明堂之
柱其邦經有不蠹矣夫水蝗稅民之畝融堅推民
之髓其天人之心有不去矣夫雖微祿兒唐獨不
賈厥緒哉觀馬嵬之威垂渙七萃之欲離殖衣物
以說焉僅平達於巴西吁不危哉嗟乎齊則失矣

而楚亦未為得也靈氏之履九五何其亟也宜忠
臣之痛心寄春秋之二三策也雖然天下之事不
易於處而本難於議也使夫謝奉冊於高邑稟重
巽於西帝違人欲以圖功犯衆怒而未濟天下之
士果肯欣然為明皇而致死哉蓋天厭不可以復
祈人潰不可以復支何哥舒之百萬不如李郭千
百之師摧而論之事可知矣且士大夫之捐軀以
從吾君之子者亦欲附龍鳳而攀日月踐台斗而
盟帶礪也一復泣以老荒則夫一呼萬旗者又安
知其不掉臂也耶古語有之投機之會間不容穉

當是之時退則七廟之忽諸進則百世之揚解嗟
肅宗處此其實難為之九思而未得其計也已而
舟人告行秋日已晏太息登舟水駛於箭回瞻兩
峯江蒼茫而不見

歸歎賦

繫端月之涉七兮諏其日則日人倦予游於道路
兮念未以憇予神豈不愛窻月之娟好兮睡鄉檉
予以卜鄰曾不及於解衣兮遑暇脫予之巾况栩
栩以一適兮忽乎還家而及門忘予身之為羈兮
驟喜覲予之親烟鶴髮之予照兮一哂以勞予勤

環兒女之挽袖兮大雞亦為之載欣予親呼酒以
予酌兮奚未舉而既失驚客舍之已晨兮牕不見
月而見日風挾寒以薄人兮巧尋罅以入室纔予
親之膝下兮夢覺而千其里湛清廬之易溢兮潛
予面其如洗推予枕其不能寐兮捐衾裯而又不
能起嗟予生之艱勤兮墨兵納我於學林慕黃口
而輕予之明月兮以耒耜而易搢紳既自山海之
棄而粥於市兮又何歎池活而籠馴羞初心之豈
其然兮亦曰負米而為貧家焉釜吾親兮公甫以
芹吾君惟是行之猖狂兮隨薦書以叫閭謁帝久

而乃覲兮豈不就於一列其如奎旣之空兮履無
當而衣有結樂調飢而濟渴兮猶幸有曾水之與
積雪仰王都之造天兮非都廬其奚躡反而顧予
之蹙足兮款自雜於汗血夢歸而不歸兮不念吾
親之指嚙婦歟婦歟豈南溪之無泉兮南山之無
巖

中秋月賦

乾道丙戌中秋因與友人王才臣野酌言及
師友有懷紫岩先生慨然賦之

湛秋旻之不瑕兮泝佳月其耿然駭鷲玉車以隻輪

兮挂孤鏡之明蠲何秋半而朋倍兮乃大異於他
之夕豈望舒之車面兮抑羿妃之增飾繫天地潔
齊之氣兮擎允手否而允手澈蓋風露無所容其
清兮播為秋而哀為月竟歲年以俟此月兮一之
遭而百違幽人得此豈不偉兮乃未憚而旣悲始
予行之詰曲兮志乎南而趾北不臨深乎孟之海
兮矧踐迹乎顏之域自德人之振我兮初予導夫
康莊子竭蹶以無愛兮柰之何阻且長莖予馬以
疾其驅兮僕夫告予以餒而舉一世以好徑兮予
乃獨背而馳予蘭茹而菊餐兮豈求飽之故也臞

予躬以鷺立兮彼腴者哂予誤也予既瞭而忽眩
兮欲陳詞於德人痛斯人之九京兮滔滔者知其
津清莫清兮秋之節明莫明兮秋之月所美之不
可雙止兮予豈不知其可悅裏手慨而感表兮亦
不自知其奚為而苑結嗟人生之處此兮前萬斯
古而後億年競權利之屑空兮奚甘帶之異旃逐
逐焉金推之控頤兮累累焉蒼苔之蝕其骨何如
予與子之追暇兮又邂逅此秋月悲秋豈其達人
兮愛月乃我輩事及金樞之未央兮獨可有酒而
無醉

秋兩賦

揚子心疲於詩而病臞目疲於書而病管故其畏
熱如喘牛之見月其喜冷如渴井而得綆丁亥八
月秋暑特甚蓋歲行之十暮未有今歲秋陽之強
梗揚子不堪其熱仰而歎曰江南何物以餉餽惟
春寒秋暑之二味古諺有謂也安得萬里之長風
吹層雲滿太空以蕩此秋陽之餘紅者耶疇昔之
夜袒肩露足呼竹君以為床命挑笙而同宿見一
熒之青燈猶憎其助秋暑而為酷夜半驚起飛雨
驟至劃悲風之怒號借一鼓之聲勢浙浙乎牖戶

之欲酒急雪也洶洶手松竹之摧落枝葉也磔磔
手茅屋之震響將廢也大雞夜鳴兒女呼嚶縮頸
入膜皆作寒聲揚子亦震掉瑟縮而不寧視絺絺
其若讎嘆衣褐之未營既不能寐坐而太息曰凍
者願烈日之不少暘者思秋氣之一條不得則思
既得則悲悲與思其循環老忽至而不知俯仰千
載孰能逃造物之此機蓋有能逃之者矣春不能
煥秋不能肅天地不能老今古不能局聞之前修
太上立德次功次言所立惟擇三者必不得已而
去惟功則繫乎通塞至於德也者照宇宙之珠玉

也言也者載仁義之舟載也稟焉於穹富以其躬
莫歎其豐莫塞其通不曰國功而曰聖功揚子則
窮且老矣抑知其有未嘗老未嘗窮者耶彼造物
者自寒自暑自風自雨亦何關於汝

月暈賦

揚子與客暮立於南溪之上玩崩雲於秧疇聽古
樂於蛙水快哉所欣意若未已偶俗士之足音予
與客而亟避退而坐於露草之徑衣上已見月矣
寒空瑩其若澄佳月灑其如水一埃不騰一氛不
生揚子喜而告客曰吾聞東坡先生之夫人曰春

月之可人非如秋月之懷人也吾亦曰今之時則
夏矣月尚春也言未既微風颯然輕陰拂然驚五
也之晃蕩恍白虹之貫天使人目亂而欲倒如觀
江波之漩而身亦與之回旋揚子懼而呼容曰月
華方明奚驟眩焉紺旻方潔奚忽變焉容曰適有
薄雲莫知所來非北非南不東不西起於極無之
中忽乎明月之依輪困光怪相薄相盪而為此也
殆紫皇為之地而風伯為之媒歟揚子釋然曰所
謂月暈如蜺者不在斯乎不在斯乎方詳觀而無
厭乃霍然而無見蓋月以有雲而隱復以無雲而

顯也雲以一風而聚還以一風而散也揚子若有
感焉乃告客曰天下之物孰非月之暈耶暈之生
也其可洗耶暈之消也其可止耶而天下之士以
晉楚之富為無竭以趙孟之貴為有祗其去則持
之而不忍其來則居之而不耻其癡黠何如也客
未對童子請曰人語既寂子盍歸息揚子與客一
笑而作曰今夕何夕見此竒特

木犀花賦

秋氣已末秋日已夕揚子觴客客醉欲出偶雲物
之淨盡吐霽月之半壁揚子鼻觀若有觸焉澹空

山之何有驚妙香之郁然急謂客曰是必有異吾
與子盍小觀之行而未之無物可即也舍而不求
又不能自息也天風驟來其香浩蕩揚子乃凝神
而從之忽欣然而獨往蓋吾履未出於柴門之裡
吾身已超於廣寒之上矣水國湛湛不足以為其
空明而深靚也雪宮皚皚不足以為其高寒而迥
映也玉塔之前有團其陰蔚乎瑠瑠之葉撼乎瑟
琴之音天葩芬敷匪玉匪金細不逾粟香滿天地
蓋向者之所聞乃於茲其良是摩挲玉蟾蜍而問
焉亦不知其名而字之曰桂吾甚愛之欲求其裔

將川其枝以修月之玉斧淪其根於銀河之秋冰
移之以歸甄我庭砌拜妃頽然而不悅曰予將白
之於帝揚子聳然而悟月尚未午客亦未去顧而
見木犀之始花宛其若天上之所覩笑而問客曰
吾之茲遊夢耶醉耶惘然不知其處

學林賦

吾友胡美彥取班孟堅序傳之卒章與黃豫章求
益牕下之意命其齋房曰學林誠齋野客揚万里
為賦之其辭曰

學林先生宇宙一室書冊永日江聲山影排戶而

願交詩臞書癡牢閑而不出客有念其幽獨者闖
然詣之仰瞻其玄霧之中則垢以銖兩計也俯視
其烏皮之几則埃以分寸量也客意若不釋然者
而問先生曰子奚若是哉癡臞之為雙埃垢之為
鄉世與子忘乎子與世忘耶先生塊然若不聞者
徐顧客曰子可與談乎俄掀眉而奮袖粲玉齒之
有光源以開闢波以帝皇幽以天緯焯以人綱睚
以虞初之破碎粹以東家之文章初松風而澗水
忽玉磬而金簧客驚而自笑曰吾鄉也病子吾今
也敬子子殆近於道者耶不然何癡於今而黠於

古歟何臞於貌而腴於文歟何埃其几而不埃其
心歟何垢其中而不垢其德歟子殆近於道者也
雖然子之幽且遐者吾不能以問子亦不能以告
吾也願聞其膚而已檀栢有卿不朋不植也玉石
有珠不夾不益也今子也十趾之下無百里之歷
兩耳之竇無單辭之獲則子也既絕學乎諒直矣
不幾於不羽而翔書固不脛而趨聖域哉此吾之
所以不惑而不得也先生曰非竹實林惟書為林
今吾百聖之與居群書之與曹蓋終日揖遜其間
之不暇子猶病吾虛空之逃耶客聞而悟出而喜

謂其人曰吾有聞矣吾有聞矣其人曰子烏聞此
客曰吾聞之學林之叟學林之叟聞之小德之父
小德之父聞之叔皮之子

交難賦

客有問焉於揚子曰蒙學射於羿羿為盡技技在
羿則羿安技在蒙則羿危孟子不罪蒙而罪羿子
無疑歟揚子曰子厘之子不可以問本系言有託
也周子之兄不可以談夢寐言罔覺也子以為孟
子之言無為而作也耶客曰擇而後友其友端矣
友而後擇其盟寒矣且蒙之為人也薄乎云爾羿

何與之盡雕射之傳與否不足道也羿獨不於交而難之手揚子曰客知其一未知其二也昔者孔壬詐堯畫寢誑孔象以愛兄之道來雖舜亦為之動蓋天之生物有萬其品彼淑慝之不齊造物不能為之禁閔梟心於鸞喙予施旨甘而報予以鳩雖聖哲兮柰何羿何為兮已甚其或免而或遭惟繫幸與不幸且夫孟子之於樂克誅其舍館之未定今使臯陶而為理與蘓公而同聽一則訐殺師之寃一則責見師之敬羗臯蘓兮於斯將二罪兮孰訂嗟乎人之生世孰無朋儔言合則金春而玉

應意適則雲凝而風休蓋亦天與之樂道與之謀也若夫噐之與居駟之與徒思一射之愈已則反目而相圖如羿者政可哀耳莊周日求其至此而不得者命也夫其羿之謂乎客笑日子言則美矣吾則異於子矣繼自今息交以絕遊雞肋不足以煩一矢公等皆去吾亦從此逝矣

嘉定元年春三月男 長孺

編定

端平元年夏五月門人羅 茂良

校正

誠齋集卷第四十三終

誠齋集卷第四十四

廬陵楊

萬里

廷秀

賦

糟蟹賦

江西趙漕子直餉糟蟹風味勝絕作此賦以謝之

揚子疇昔之夜夢有異物入我茅屋其背規而黝其臍小而白以為龜又無尾以為蚌又有足八趾而隻形端立而旁行唾雜下而成珠臂雙怒而成兵寤而驚焉曰是何祥也召巫咸卦之遇坤之解

曰黃中通理彼其韞者歟雷雨作解彼其名者歟
蓋海若之黔首馮夷之黃丁者歟今日之獲不羽
不鱗奏刀而玉明披腹而金生使營糟丘義不獨
醒是能納夫子於醉鄉脫夫子於愁城夫子能親
釋其堂阜之縛俎豆於儀狄之朋乎言未既有自
豫章來者部署其徒趨蹌而至矣謁入視之郭其
姓索其字也揚子迎勞之曰汝二湖之裔耶抑九
江之系耶松江震澤之珍異海門西湖之風味汝
故無恙耶小之爲彭越之族大之爲子牟之類尚
與汝相忘於江湖之上耶於是延以上客酌以大

白日微吾天上之故人誰遣汝慰吾之孤寂客復酌我我復酌客忽乎天高地下之不知又焉知二豪之在側

屨波堂賦

陳晞顏作堂洮湖之上榜以屨波命其友誠齋野客廬陵揚某賦之其辭曰

孰復先生宅于洮湖日與湖而居猶以湖爲踈乃堂其涯去湖寸餘蓋城虎牢以逼鄭晉退三舍而子玉不止者歟一夕波歇鏡底生月忽失洮湖之所在但見萬頃之平雪先生欣然曰吾又將載吾

堂於扁舟對越江妃之貝闕我芟我裳我葛我巾
筆床茶竈瓦盆藤尊左簡齋之詩右退之之文舟
人之權一縱而先生飄然若秋空之孤雲矣先生
方獨酌濁酒悲吟苦語攬鬚根之霜搜象外之句
管城子措先生環而攻之麾之未去也有風颯如
有瀾燁如舟人曰浪將作矣夫子其歸乎先生未
及答而小波屋如大波山如鼉魚陸梁蛟龍睚眦
馮夷擊鼓而會戰川后鞭車而疾驅眇一葦之浮
沒眩秋豪之有無舟人大恐相顧無色先生投袂
而起仰天而嘆曰吾與洮湖定交久矣而未嘗識

此奇觀也子產曰他日吾見蔑之面而已今見其
心請改事湖庶幾歲晚之斷金

放促織賦

揚子朝食既徹步而圍嬉遙見一二釋子集手遠
拳之堂環焉其若圍俯焉其若窺躡焉其若追也
揚子趨而往視之蓋促織之始生而尚微墮地而
未能飛者也嘉趣而不市故高步而不卑辟殺而
不飪故癯貌而不肥旣蚱蟴其脩髯亦翡翠其薄
衣彼其臂短而脛甚長是故將進而趨起翹立而
孤危也揚子笑謂釋子曰汝豈識之手是固夫霜

淒露感而恤緯征人之裳者歟身勤心苦而提耳
女功之荒者歟晝聞宵嘯自基而徂堂者歟多言
強聒身隱而聲彰者歟若悲若怨若憤若嘆而吟
歎秋夕之清長者歟奚失據於幽茂而陷身於躡
藉若是其幼且孱也廼命釋子藉以羽扇遷之叢
間見密粟其躍如曝冬日其欣然釋子反命曰是
蟲也若子產之魚圉圉焉洋洋焉矣揚子使釋子
反視之至則行矣

雪巢賦

天台林君景思之廬字以雪巢允延之為作記廬

陵揚某復為賦之其辭曰

赤城兮霞外天台兮雲表有美兮先生相宅兮木
抄厭人寰兮喧卑薄市門兮囂湫岳谷奧深螭廬
褊小陟彼懸崖天紳之涯竒峯日拂枯松霄排飛
上萬仞之顛旁無一寸之階我營我巢維條伊枚
命黃鵠而銜枝驅玄鶴而曳柴斧辛夷以為柱列
山桂以為棟蘭撩椒其有芬荷蓋岌其不動將旁
招樵夫明蓋溪友以落之且有日其善頌矣夜半
風作頓撼林薄天駭地愕山跳海躍已而寂然四
無人聲黯天黑而月落忽八牕之夜明恍身墮於

冰谷羗刮骨其寒生窮猿曹凜飢鳥獨鳴先生夙
興而視之但見千里一縞群山失碧翔玉妃以萬
舞飄天葩之六出皓皓的的續續籍籍蓋朔雪十
丈乾沒吾巢而無人跡矣先生舉酒酌曰巢成雪
至雪與巢會式瑤我室式珠我廨空無一埃點我
勝旣繼自今匪仙客其勿迎匪詩人其勿對迺擣
冰漿與雪汁飲兔鬚於墨澹大書其楮曰雪巢標
俗子出諸大門之外

清虛子此君軒賦

吾友清虛子家有竹軒命曰此君誠齋揚某為賦

之

客有問於清虛子曰昔者子猷愛竹字之曰君謂此君一日之不可無古之知竹者未有若子猷之勤者歟清虛子曰子猷可謂愛竹矣知竹則未也古之知竹者其惟吾夫子乎蓋嘗聞之夫子適衛公孫青僕子在淇園有風動竹聞蕭瑟檀欒之聲欣然忘味三月不肉顧謂青曰人不肉則瘠不竹則俗汝知之乎其詩曰瞻彼淇奧綠竹如簣言念君子溫其如玉吾乃今知竹之所以清武公之所以盛也蓋君子於竹比德焉汝視其節凜然而孤

也所謂直哉史魚邦有道如矢者歟汝視其貌頎
然而矍也所謂伯夷叔齊餓于首陽之下民到于
今稱之者歟汝視其中洞然而虛也所謂回也其
庶乎屢空有若無者歟故古之知竹者其惟夫子
手子猷非知竹者也客曰甚哉清虛子之言似夫
子也敢賀此君從陳蔡者皆不及門君何修何飾
乃得與四子而同席願堅晚節於歲寒以無忘夫
子之德

梅花賦

紹熙四祀維仲之冬朝煖焉兮似春夕淒其兮以

風揚子平生喜寒而畏熱亦復重裘而厚幪呼濁
醪而拍浮嗔麟定之未紅已而月漏微明雪飛滿
空揚子欣然而嘆曰舉世皆濁滕六獨清舉世皆
暗望舒獨明滕也挾其清而不滂終歲遯乎太陰
之庭舒也倚其明而不垢當晝閱其廣寒之高蓋
工於相避而疑於不相平也今夕何夕惠然偕來
皎連璧之迥映蹇欵逝兮裴回吾獨附冷火而撥
死灰顧不詒二子之咥手爰策枯藤爰躡破屐登
萬花川谷之頂飄然若絕弱水而詣蓬萊適群仙
拉月姊約玉妃讌酣乎中天之臺揚子揖姊與妃

而指群仙以問焉曰彼縞裙而侍練悅而立者為
誰曰玉皇之長姪也彼翩若驚鴻矯若游龍者為
誰曰女仙之飛瓊也彼膚如凝脂體如束素者為
誰曰泣珠之鮫人也彼肌膚若冰雪綽約若處子
者為誰曰藐姑射之山之神人也其餘萬妃皓皓
的的光奪人目香襲人魄問不可徧同馨一色忽
一妃起舞而歌曰家大庾兮荒涼系子真兮南昌
逢驛使兮寄遠耿不歸兮故鄉歌罷因忽不見且
而視之乃吾新植之小梅逢雪月而夜開

海鹽賦

有後席

辛巳之秋牙斯寇邊旣飲馬於大江欲斷流而投
鞭自江以北號百萬以震擾自江以南無一人而
寂然牙斯抵掌而笑曰吾固知南風之不競今其
幕有烏而信焉指天而言吾其利涉大川乎方將
杖三尺以麾大羊下一行以令腥羶掠木縣估客
之艘登長年三老之舩並進丰濟其氣已無江壩
矣南望牛渚之磯屹峙七寶之山一幟特立于彼
山顛牙斯大喜曰此降幡也賊衆呼萬歲而賀曰
我得天乎言未旣蒙衝兩艘夾山之東西突出於
中流矣其始也自行自流乍縱乍收下載大屋上

橫城樓縞於雪山輕於雲毳翕忽往來頃刻萬周
有雙壘之舞波無一人之操舟賊衆指而笑曰此
南人之喜幻不木不竹其誑我以楮先生之儔乎
不然神為之揖鬼與之游乎笑未既海鱗萬艘相
繼突出而爭雄矣其迅如風其飛如龍俄有流星
如萬石鍾寶自蒼穹墜于波中復躍而起直上半
空震為迅雷之隱裕散為重霧之冥濛人物咫尺
而不相辨賊衆大駭而莫知其所從於是海鱗交
馳攪西蹂東江水皆沸天色改容衝颿為之揚沙
秋日為之退紅賊之舟揖皆隳藉于海鱗之腹底

吾之戈鋌矢石亂發如雨而橫縱馬不必射人不
必攻隱顯出沒爭入于陽侯之珠宮牙斯匹馬而
宵遁未幾自斃于瓜步之棘叢予嘗行部而過其
地聞之漁叟與樵童欲求牙斯敗衄之處杳不見
其遺蹤但見倚天之絕壁下臨月外之千峯草露
為霜荻花脫茸紛擢謳之悲壯雜之以新鬼舊鬼
之哀恫因觀蒙衝海鱗于山趾之河汭再拜勞苦
其戰功惜其未封以下瀨之壯侯冊以伏波之武
公抑聞之曰在德不在險善始必善終吾國其勿
恃此險而以仁政為甲兵以人材為河山以民心

為垣墉也乎

右采石戰艦曰蒙衝大而雄曰海鯨小而馱
其上為城堞屋壁皆堊之紹興辛巳逆亮至
江北掠民船指麾其衆欲濟我舟伏于七寶
山後令曰旗舉則出江先使一騎偃旗於山
之頂伺其半濟忽山上卓立一旗舟師自山
下河中兩旁突出大江人在舟中踏車以行
船但見船行如飛而不見有人嘗以為紙船
也舟中忽發一霹靂礮蓋以紙為之而實之
以石灰硫黃礮自空而下落水中硫黃得水

而火作自水跳出其聲如雷紙裂而石灰散
為煙霧昧其人馬之目人物不相見吾舟馳
之屨賊舟人馬皆溺遂大敗之云

後蟹賦

昔趙子直漕江西餉予糟蟹因為賦之江西
蔡師定夫復餉生蟹風味十倍曹丕再為賦
之

司徒道明來自洛師至止江湄逢一湖海之仙貌
肖乎晉之解揚而其怒有赫骨像乎漢之彭越而
其園中規獨愛其二執戈者前矣視其趾二四而

有踦意以為吳中介士郭先生也不知其姓則彭其字則螟也丞攜其手而上曰吾自渡江以來取友不少矣如孔之金如玉之瓊吾皆得而友朋如魏之玉如庾之穀吾皆得而款曲夫子安在何相見之暮而不夙也於是齒牙嗜焉胸懷寄焉與之一飲一食而同醉焉夜半客起若有所刺者司徒腹心岑岑若有所崇者詰朝下逐客之令屏之陽侯之遐裔焉他日以天子之命作牧于豫章幕府初開延見俊良望見一客又似乎彭越與解揚命典謁曰是嘗崇我而幾我傷者矣予不汝殺世無

黃祖其生致之於邇江而上之揚乎揚子方晚飲
聞其至揖而進之曰吾有二友惟彼麴生與爾郭
索老夫與之同死生不減顏氏子之樂彼也日從
予遊爾也久予云邈何相忘江湖莫我肯顧也何
使我清風明月必思元度也爾之德吾能言之洗
手奉職德之上也就湯割烹德之次也舖靈均之
糟卧吏部之甕德斯為下矣客於是涕唾流沫圜
視而顰謝曰士固有以儻亂真以遠間親聖而受
圜肖乎形也孝而投杼同乎名也僕之主公昔以
彭為郭今以郭為彭不遇蔡司徒幸遇揚子雲願

借先生蒼頡之篇與太玄後蚓之文詳註爾雅彭
郭之異族庶解嘲於司徒之門

嘉定元年春三月男

長孺

編定

端平元年夏五月門人羅

茂良

校正

誠齋集卷第四十四終

誠齋集卷第四十五

廬陵楊

萬里

廷秀

辭

張丞相詠歸亭詞二首

湘之山兮幽幽湘之水兮舒舒我來兮挂之陽春
聿云莫兮上下綠淨而交如鳥鳴兮花乾彼湘之
人士兮詠游而魚魚長者兮矩步童子玉雪兮趨
亦趨挾策兮抱琴若將游兮物之初野風兮脩脩
吹萬而不可執兮所過而敷腴長者顧謂童子曰
快哉此風吾為汝援琴歌之歌曰滄浪兮濯纓風

涼兮舞雩微德人兮焉歸以斯道兮金玉予欲問
津兮沂之水其則不遠兮又焉知湘江之非歟
蒞蘭圃兮沼芙蓉有美君子兮何斯其燕居兮尹
兮袖間陞白虹兮斗之虛章甫兮深衣御風騎氣
而天游兮與造化而為徒獨立萬物之表兮室通
而人甚遠山立而荆靚兮道德燕及乎蟲魚韋編
兮在手隱几而卧兮夢一丈夫首肖乎尼山兮河
其目莞爾而笑兮告予以下學而上達知我者其
天乎忽寤兮四顧歎乃一聲兮亭之西隅

和張欽夫望月詞

有序

欽夫示往歲五月詠歸亭侍坐大丞相望月
詞予於辛巳二月既望夜歸讀書於誠齋甲
夜漏未盡二刻月出於東山清光入窓欣然
感而和焉

玉蟲暈以貫虹兮學林之顛閱其宵兮聖賢畢參
於前心起兮千載忽乎納自牖兮光寒而靜嬉吾
興視兮何祥望舒推轂兮轉大圜生兩儀兮履白
飾萬物兮清妍彼何居兮轆茲挈一規兮破幽偏
代天兮宜精抗兮惡盈似道兮日損縮於一晦弦
兮萬斯年而求伸宅天下兮至晦鏡天下兮至明

燭吾心中之月兮貫地緯而洞天經吾奉月兮周
旋月踵吾兮後先夫君寄我兮三章招月而與寓
目兮炯筆勢之翩翩想他月之獨立兮過庭而侍
側誰其耳剽於玉振兮惟此月知其然月不乎留
兮予亦詠而歸歌三終兮謝明月何夕復惠然兮
臨我於亭半而

延陵懷古

予假守延陵蓋州來季子之廬也迨暇登城游目
四顧慨然想見季子之風烈旣而問諸故老古今
之士或邑於斯或寓於斯者得三人焉作延陵懷

古辭

荆之溪兮澹以幽惠之山兮雲侔思君子兮不見
莽單樹兮脩脩面兮吳兮東而坐背朱方兮北卧
齊楚豈不強而大兮吾王以妥賢於國其無禪兮
不曰季子存而吳賀彼懵者之衡是言兮謂兆亡於
讓王弗丕承於考心兮用永五湖之與三江祀太
伯其忽諸兮顧龔譽於子臧曾不知民無讓而不
立兮自古皆有士諷此此與鋤箕兮疇莫知其重
輕若千乘暨簞豆兮絮豐約而則明迨躬逢而利
休兮亦幾何而靡爭謂吾札之不懿兮札亦恬受

而茹聲思復思兮君子乾坤毀而日月息兮則君子之亦死

延陵季子

密雲兮終風徧頌閉兮周寸燠之通喟葵丘踐土而迹熄兮矧冀方岐山之與逢單裳綌以鑄兵兮靡遺蒲於董澤燕簞無趾而造齊廟兮楚毗而秦其魄闕六王於一說兮微儀衍之舌而不國嗟若先生兮雞知時之不如儲唐虞之故冕兮鬻洙泗之敝裾乘方輪與折軸兮欲先鞭而疾驅豈不家捐而人棄兮載之萬世之亨衢繫素王兮中都若

蘭陵兮聖之徒征九伯而佩六印兮晞二邑宰而
不得俱儻不欲以天珠玉磬而貿康執兮嗟爾後
死者其舍諸

蘭陵令

吹赤壁之月笛兮瞻黃州之雪堂彈湘妃之玉瑟
兮織天孫之錦裳招先生其來歸兮何必懷眉山
之故鄉歷九州而猶隘兮誕寘之祝融之汪酌乳
泉以當醴兮餐荔子以為糧葺榕葉以作屋兮託
枕擲之蔭以為堂驅海濤以入硯滴兮挽南斗文
星於筆銑昌黎兮歐陽視先生兮厲行韞不洩兮

忠憤炯不揜兮文章乞鏡湖兮九關營菟裘兮是
邦予之來兮云暮興先生兮相望視履跡兮焉在
問故宮兮就荒俯仰兮永懷渺山川兮蒼蒼

東坡先生

跋李允蹈思故山賦辭

允蹈月岩先生弟
方叔之曾孫也

月巖含章兮噫孰賈之璜兮噫邇不其償兮噫眉
山之下兮噫既億其價兮噫胡漏于罅兮噫顛于
眉山兮噫山顛于天兮噫天蹙其顏兮噫有斐孫
子兮噫花披秀啓兮噫烈祖是似兮噫筆似其鋒
兮噫骨似其窮兮噫栖栖其逢兮噫爾詞則古兮

噫爾騷則楚兮噫爾璞孰估兮噫招招巫咸兮噫
有算爾占兮噫曷焯爾潛兮噫曷窞不濟兮噫曷
部不責兮噫咷初笑既兮噫

和淵明歸去來兮辭

予倦游半生思歸不得紹熙壬子予年六十有六
自江東漕司移病自免蒙恩守贛病不能赴因和
歸去來兮辭以自慰其辭曰

歸去來兮平生懷歸今得歸有未歸而不懌豈當
懌而更悲媿一陶之不若庶二疎兮可追肖令威
之歸遼喟物是而人非捐水蒼兮今佩反芟製兮

昨衣戀豈謾夫太紫分敢踰於少微如鹿得草望
綠斯奔如鶴出籠豈復入門屨雖未得而趾故存
謂予不信有如泰樽月喜予之言歸墮清暉而照
顏山喜予以出迎相勞苦其平安江喜予而舞波
擊碎雪於雲關紛鄰曲之老釋羗堵牆以來觀沸
里巷之大雞亦喜翁之蚤還驚鬢髯之兩霜尚趕
趕而相相歸去來兮半天下以倦游飢予驅而予
出奚俟飽而無未觀一簞之屢空躬自樂而人憂
暨一區之草玄娛羲畫與箕疇豈暮昏靡濟川作
舟矧先人之故廬有一岳兮一丘後千尋兮茂林

前十里兮清流耿靡羨而載營寒何驚而不休已
矣乎用舍匪吾行止匪時何至啜醜如漁父何必
乎誓墓兮如羲之吾行可枉塗吾止可預斯應耘
耔而端委猶端委而耘耔對天地而一晒酢風光
以千詩抵槁莖與朽骸豈復從詹尹而決疑

黃世永哀辭

乾道乙酉秋七月予因謁鄉先生武岡史君羅公
公日子之友黃世永者死矣世永之父元授得州
南雄六月某日世永自行都侍南雄公西歸至貴
溪逆旅南雄公疾不起後一日世永亦卒或曰皆

暘也或曰世永毀也予聞之心折泣且疑後月餘
得中書舍人周公子充與友生胡季永書與武岡
公之言不異於是哭之盡哀世永名文冒南豐人
自其祖至世永三世策進士第而世永策第時年
最少蓋生二十有一也初主顛縣簿予時為州戶
掾予之來去後於世永者一年而為寮者三年一
見即定交世永之高遠深博者予不能竟也其學
以不媿屋漏為宗於文無所不能無所不工嘻
笑立成而不似立成者也予每往觀其政則見老
穉叢於堂莫見世永也披而入則世永執筆次遣

如飛前者未出後者入夜分乃已世永不煩民亦
不咨吏亦不欺初以為世永勤且嚴然旋觀三年
如初之觀竟不見其呵一民咎一吏勤者亦懈嚴
者亦窮矣世永果勤且嚴者耶紹興戊寅三月世
永白太守去出城五十里不得行田里之民環而
止之者數十百人曰主簿去我我不可生矣相與
執輿折山花以簪世永持濁醪以觴世永而其老
者五六十人疾走贛之憲臺列辭以乞留司憲御
史黃公無以遣則好謂之曰汝不愛黃主簿乎皆
怒曰否曰留而塞輿去而通孰愛孰不愛也乃皆

曰然不得已泣而散予時親見此事以為今之守
令罷則先期戒吏民以卧其轍此足策不足策耶
以今之欺而謂古皆然若世永於贛之民乃有此
古之所書卧轍云者久矣手使予之不信也使予
無所不信於古之云者世永哉雖然予於世永之
事親見者也古之書者又不知其親見否耶未幾
浙水西部使者邵公辟世永秀州崇德縣令時某
令者待崇德次三年矣適及期而辟書下世永抗
章力辭士大夫義之或者曰矯也見義則不懦於
避見利則勇於不避此或者之所賢也世永得辭

其矯哉世永在都下未調勢家子有階中人得法
從者臺諫相視不怪世永袖文書謁御史朱其姓
者責以天下公議御史怒未有以發也會中書舍
人張公安國聞世永之風而悅之曰天下乃有此
士即薦於朝得召世永辭焉而御史亦言於

光堯曰黃某沽名躁進世永自是偃蹇江淮間

上之二年冬十二月以人望起故大丞相魏國張
公於督府而再相之公至首薦世永授樞密院編
修官未赴公為群小擠去而世永亦復論罷今二
年矣而遂死耶嗟乎哀哉世永年止三十有八而

官止左從政郎而其立已如此遐其年享其位以
訖其施其立何如哉雖然壽且貴而莫之有立有
立而莫之壽且貴政使世永自擇宜何擇也然則
世永可無憾矣而予猶哀之耶嗟乎才珍於天而
捐於人厚一邑而薄天下吾意當世君子之用心
不宜有此也不宜有而有焉則予之哀獨為吾世
永哉乃書以寄其子樞而為之辭曰

聖門際天而不可選兮子聚糧以疾趨古文熄而
哇鄭兮子獨追而雅諸衆皆賞其襪而遺其裡兮
知全者不在予仕者謂贛民之器兮不啻妹邦之

夫何子之仁以菴兮若滕下之乳雛予惟子之觀
兮則未知封屋之迂沐猴豸而罔醜兮子髮上而
衡盱舍已踈進而謂子踈進兮宜不曰沽名之非
愚世切齒於彼之晚實兮流涕於子之不晚殂庸
知天之不予社兮不厚彼辜惟師友之恩紀兮一
飯而九其吁天不予斐而奪予朋兮半其濟而七
軀決汝漢而東之兮曾足為予浚之餘若子之死
而不死兮不亦名星日而骨幽壙

曾叔謙哀辭

故興安縣令曾君諱敏恭字叔謙韞韜環材不襮

不鬻竟不用世中壽而逝其名實爵里謝昌國既
銘之里人楊某復誅以哀辭曰

歲紹興之壬午兮余負丞於零陵汨夫君之南征
兮臨二松之寒廳聞楚然於逃虛兮辭未接而情
親分一日之光景兮載鷓夷乎吾與行沛吾擊其
蘭橈兮亂湘江以揚船維余策於愚溪兮叩柳子
之柴荆陟西山以茹芳兮降鈿鈕以漱冷風吹衣
以拂雲兮舉手攬乎南斗之星君與我其俱醉兮
夜解手於丘亭余未幾而北歸兮君忽返手銘旌
曾合離之俛仰兮奄古今乎死生羗夫君之淵偉

兮允江山之載英蔚豫章之離奇兮森梗梓其嶒
嶸自拱把而培漑兮俟百圍手千尋峯雪山與水
谷兮凜霜影而兩聲細猶堪於薄檻兮豈大者之
不可矣仰神臯於太紫兮矩厚載而規圜清屹建
章以亘明光兮連蕙草與蘭林詔班爾以駿奔兮
旁搜巖崖之歇傾締皇居及帝室兮將消休乎落
吾成蹇棟榦槁乾於空山兮匠不獲以督繩紛后
皇之樞材兮岳何幽之不徵喟一擷而萬捐兮夫
孰有遭而無營君方舍斯世而去之兮豈達飲而
窮憎耿精爽之未泯兮嗤彼咏齋而吞腥裁斯文

以寄哀兮聊復寫久要平生之情

范女哀辭

石湖先生參政范公有愛女名某字某媿德淑茂年十有七紹熙壬子五月從公汎舟之官當塗至公舍得疾旬日而逝公哀痛不自制八月命其同年生誠齋野客揚某作辭以哀之曰

有齋石湖之季女兮肇葳蕤茂而青葱蘭茁芽以芬播兮玉在璞而光融茹采蘋以為棐兮築內則為之宮樂彤管以俶載兮逝將眇青竹而論功制衣菡萏以為裾兮裊之以秋江之芙蓉紛蕙纈而菊佩

兮豈江離揭車之與縫撥裘丈之朔雪以深德兮
襲萬岳之清冰而在躬耿吾獨傳中郎之素業兮
豈曰矜蕭然林下之風沛吾乘乎桂舟兮無小無
大焉從吾公何若而人之不淑兮奄一疾而長終
忍舍蘭陔之孝養兮恭玉女慮妃之與從父日嗟
予膳之孰視兮母日嗟予命之疇同盡兩親之哀
潛兮遺九宗之長恫蹇石湖之慟而奠之釋兮小
極而隱儿手書之叢夢漂漂而行遠兮求吾兒乎
四方上下之青穹杳碧海之際天兮端三山之倚
空蓬萊方丈之攸宅兮浮金宮銀闕之崇崇若有

人乎山之阿兮飛騰往來而不可逢
羗可逢而不可執兮若迴朕手復
腫臃摘玉李而弄金波兮邀嬉手
倒景有無之濛鴻忽臨睨乎舊御
兮望見石湖之仙翁法初吽而後
哂兮言吾翁手奚戚容繫天地萬
物之逆旅兮兒與翁父子適相值
於逆旅之中汨倏合而忽分兮邈
千變萬化而何窮淬割愁之劍而
不滿一笑兮非我翁春日覽鏡大
篇之春容翁顧笑而驚寤兮噉寒
日其生于東

悼雙珍辭

傅口劉光宗字廷瑞弟紹宗子廷碩受伏生尚書

經明行修文詞蔚然年三十餘一病旬時相繼而逝誠齋野客揚萬里惜其才悼其不幸短命作詩以哀之命曰悼雙珍云其辭曰

有傳者嶺兮有玄者潭峯乎瓊臺與玉堂兮天垂光而蔚藍寶履下蟠乎九洲兮環彩上絢乎千岩
羌旁礪轆轤而不滴兮耿虹貫乎晴嵐劬玉衡之望氣兮九載旭考而宵參曰西江之軫壘兮孕双珍乎泥之潛匪珠胎之雙止兮則鼓玉其羨兼帝
令雷公以持斧兮勅陽侯以發函逝將修貢于玉府兮旅清廟而爾瞻夫何夔魍猖狂之予妬兮肆

為伯明之讒蹇訥帝以不好兮未聽六丁之窮探
飛巨石以載震兮洵怒濤以有嚴連璧毀于石韞
兮雙珠裂于波涵卞和慟以叫帝閭兮隨侯泣以
衣沾帝亦悲傷而未如之何兮磔不若魑魅而不
厭安得雙珍之再芒兮迥映乎西江之北南

有宋死孝毛子仁哀辭

子仁諱洵吉之吉水人也年十九第進士年二十
六中拔萃制科杜祁公有詩羨之其文集亦有詩
寄歐陽公父母之喪廬墓死焉時年三十二天子
賻之粟帛以旌其孝書在國史後百有餘歲邑人

揚万里讀其文集作辭以哀之其辭曰

灝穹曷宋方邳陰些篤生仁皇寶叡聰些二堯兩
舜復時雍些杜韓富范再夔龍些魏蕩奮熙起丕
功些歐陽伯仲軻與雄些雲昭漢回炳文風些麟
在靈囿鳳在桐些金芝專車朱草叢些懸藜結綠
捩紫宮些靈蛇照乘玉府充些大江之西文江東
些毛伯苗裔河岳鍾些三辰五緯韞心胸些如漢
賈生與終童些年未弱冠收科崇些連收制科天
動容些玉映漢臺驚群公些棄官如泥子職恭些
死孝倚廬神明通些文行有煒垂無窮些與宋一

經相始終此凍黎百年養萬鍾此草腐菌朽花實
空些有宋孝子蔚岱嵩此

操

趙平甫幽居八操

筠居操

公子誅茅不木不土此君惠然聿來昏宇

我娛齊操

一室容滕納萬岳而有餘一几凝塵載千古而不
重暮四朝三吾不復夢

醉石操

望之温其玉卽之寒於水一飲五斗一石解醒衆
人皆醉石獨醒

竹齋操

客來何聞客去何嗔左右前後惟此君德不孤必
有鄰

北窻操

一枕之甘萬戶不願清風之吹萬玉不價為我謝
避俗翁誰在羲皇之下

梅亭操

竹屋夜明竹戶寒聲幽人含琴而起視香通國而

白連城梅耶雪手四問而四不謗

碁臺操

爭名不尤則朝者嘻爭利不贏則市者吁君子無所爭必也弈手

龜潭操

風耆其武波赫斯怒油然者淵未遽如許

嘉定元年春三月男

長孺 編定

端平元年夏五月門人羅

茂良 校正

誠齋集卷第四十五終

誠齋集卷第四十六

廬陵楊

萬里

廷秀

表

謝賜御書表

聖訓馭臣用勛廉勤之操宸章逮下無遺踈遠之
邦寶軸璧連薦神風動臣某中謝竊以湯陳六事
倣有位之苞苴成正百官董攸司之功業惟今明
詔兼善古王恭惟皇帝陛下生德自天以躬率下
躰乾之健樂勤勞而不疲酌損之脩自奉養而有
節尚虞中外或狃懦貪爰肆筆以成書示吐辭而

為法倬彼雲漢煥乎文章善者祇師丕承謨訓之
告姦邪震輓知懼春秋之嚴臣敢不惟暨乃僚對
揚休命戴星愛日忍為視蔭之媮齧雪飲冰勉企
拔葵之潔

代賀立皇太子表

聖謨經遠永圖宗社之休上嗣正名懋建元良之
重告于太室對越昊穹臣其中賀竊以離兩而明
大人羸乎繼照震一而索長子體夫游雷上際緝
熙之朝肇稱久大之典恭惟皇帝陛下光昭先
烈啓佑燕謀出獨斷於宸衷舉緝儀於儲禁東序

舞簫爰舉四時之宜西學尚賢兼徼三代之禮臣
遠將隆指阻造大廷長發其祥載歌濬哲之頌少
成若性願獻治安之書

代賀會慶節表

繼明以照大一統以惟新彌月為良於萬年而鼎
盛暨于海表罔不嵩呼臣某中賀竊以天欲太平
為時而生乃聖民思長治俾壽以祝其君三靈交
歸諸福用永恭惟皇帝陛下由仁如舜立武惟宣
化日自舒安取再中之異帝齡所與更昭二聖之
同臣遠服委輸初逢慶賴却金鑑之獻既無路以

效珍想鈞砌之崇惟望雲而舞手

代福建憲何德猷謝到任表

七閩深秀地望匪輕庶獄平亭人命所寄大恩驟
至小已莫勝即受命以首塗旣入疆而問俗見民
鼓舞為言天子之聖神聞臣布宣更感詔音之仁
厚皆相規而遠罪其忍負於好生臣某中謝伏念
臣才則非長用將安取策十駕之蹇寧不頓於先
鞭試一割之能了蔑聞於餘及一盼郡紱再領使
軺頃師于之濯征遠使指而給饗豈其乏使以飛
輓而諉臣迨此當暮未譴何而已幸敢謂繼明之

始亟叨布憲之隆茲蓋伏遇 皇帝陛下乃聖天
同於民子視約三章以示之禁不日尚威俾萬姓
之興於仁其歸去殺夫河淺陋亦詭奉承臣敢不
務在盡心戒於留獄必使人之無公雖則未能得
其情而則矜庶乎自竭

代宰相賀雪表

神功所格冬大雪以應期天意謂何年屢豐而表
瑞吉之先見序則不愆臣中賀恭惟 皇帝陛下
乾以君之聖之時者日月所會臨地統於三正造
化為工凋天葩之六出知麥禾之有望舉稚莖以

載欣臣遭世泰和用功燮理驗時寒之苦端自聖
謀懷履薄之如敢忘臣節臣無任

知常州謝到任表

承流閩徼初叨江海之麾易地溯西忽畀股肱之
郡分顧憂而益重豈薄陋之克堪臣中謝伏念臣
嗜古成迂信書故退頃從山水之縣入陪鸞鷲之
班心乎愛君而直前慨然遇事而妄發非聖明之
全度則孤拙之疾顛尋將毋以告歸乃拜州而得
請玉色臨遣金聲撫柔憇公幹漳濱之身三年于
外易獨孤常州之任再命茲恭敢謂戴盆而望天

今復舉頭而見日茲蓋伏遇
皇帝陛下纂堯乃
武蹈舜斯仁道在太極之先不居其聖明見万里
之外以臨其民咨諏慈惠之師布宣寬大之詔顧
損輔郡以詭下臣臣敢不旣竭駑才庶綏結服惟
郡邑先惠養之治所願盡心使田里無愁恨之聲
庶乎報上

謝降官表

奉詔弗在宜抵誅而萬坐征商失察止貶秩之兩
階戴天斯仁踏地無所臣某誠惶誠懼頓首頓首
伏念臣受才不敏馭下太踈乘障無循良之補已

孤任使所部有愆違之屬乃周聞知方肇布於細
書俾緩征於行旅夫何下邑之近如彼監河之官
公違溫言私越里所事從其長蓋厥咎之有歸罪
疑惟輕豈始望之及此茲蓋伏遇 皇帝陛下惟
堯濟衆如舜好生雖離明之照四方何幽不燭然
乾元之利萬物所覆無殊曾是卑微曠然怙冒臣
豈不往欽厥訓茲率乃僚仰體成湯儆官刑于有
位顧學孟子疾龍斷之賤夫

廣東提舉謝到任表

守延陵季子之虛媿無治行使南粵尉他之境復

拜恩言載仁如天反已惟谷臣

謝

伏念臣學非世

用才不入先幼而讀書亦竊探壁中之科斗長而
試吏顧安知柱後之惠文三年朝班再歲輔郡進
亦思磨礪於名誼退則欲布宣於詔條訖無涓埃
小補河嶽九天曉日念孤身將遠於長安四乘秋
封忽寵命載驅於原隰至于南海保彼東方惟所
部十有四列去徭門幾四千里物衆地大壤沃泉
甘臣始入疆告厥父老上不忘遠翕然驩呼海若
祝融彈壓波瀾之險朔雲邊雪驅除江嶺之氛暨
于幽遐罔弗嘉靖臣以使事官于海邦煥手榮光

展也徵福茲蓋伏遇 皇帝陛下丕登駿命怙冒
函生日月宣精照朔南而不隔乾坤有造均雨露
以無偏曾是薄材俾爵隆指臣敢不輯寧凋瘵按
去姦貪出納有司豈但欲委積若醜之滋殖澄清
當路庶幾使豺狼狸之一空

謝除直秘閣表

在疾餘生延及外除之制拜嘉光命有聯中秘之
班曷云枯槁之蹤曾是深巖之夢寵榮所被祗懼
靡寧臣中謝伏念臣無用世之才有負俗之累癡
不足以了事其拙且然成或出於因人何力之有

頃播刑於百粵偶奔命於群蠻奉天威而有行醫
廟筭之是稟遂令醜類罔不殄殲矧帥臣輩湘指
縱之謀抑將臣張喜觀獲之力景風若僭汗兩其
滂雲近蓬萊遙集西崑之群玉霧浮金篆仰窺東
壁之二星施則不訾受之何說茲蓋伏遇 皇帝
陛下其仁天若乃武雷行清渤澥之波瀾于誰奸
命賣潢池之刀劍奚足論功曾不遐遺式昭遠馭
臣敢不丕承天寵允吞帝暉包以虎皮雖則干戈
之偃裏之馬革無忘肝腦之損

知筠州謝到任表

需章勾外退以其私便郡疏恩過於自擇地與期而俱近感及喜以來并不勞載驅已抵所治臣某中謝伏念臣學問將落行能無稱巖居川觀施諸時而莫可卓耕木茹願其外以奚為際熙運之休明彙群才而登進再收遠跡誕實周行念父教之忠云既勞而後食然身其餘幾如未老而先衰兒女滿前昏嫁未畢方抒情而地踏忽從欲以天矜海上僊山隔蓬萊於弱水江西道院製菡萏於劍池仰惟君父之恩何有中外之間茲蓋伏遇

皇帝陛下立心咸五侔德函三疇若予厚下之仁

佑昌率土曰咨汝宅生之吏惠辭小民無愛珪符
下逮擣櫟臣敢不祇若德意宏敷詔條令修庭戶
間所先豈弟民和壠畝之上茲謂答揚

賀 紹熙皇帝登極表

帝出乎震雷動風從龍飛在天雲行雨施乾坤再
闢日月重光臣某

中賀

竊以主纘帝帝纘皇相承

自昔堯授舜舜授禹復見于今聚三聖於一家冠
百王而獨步恭惟皇帝陛下聊文作睿統運集躬
育德東明元良正于萬國繼離南面大人照于四
方歷選古初疇若我宋蔚後先其相望凜揖遜以

彌高文祖文孫登紹興之景命是父是子受乾道
之丕基夫人交歸年世方永臣近辭儲隸遠守侯
藩竊鳳冲霄夙欣攀附之久鴻鵠橫海敢言詞護
之勤

賀 壽皇聖帝傳位表

立愛惟親結戀東朝之養傳歸於子辭尊南面之
居玉音渙揚鼎象安妥臣某

中賀

恭惟

至尊壽

皇聖帝陛下循堯乃聖命禹厥中謂天下解憂未
若絳衣之戲俾壽母燕喜遂輕黃屋之心當崑崙
渤澥之太寧釋璿璣玉衡之庶政親挈神器付畀

嗣君王假一家世授三聖珍臺間館儲思大安之
穆清夕膳晨羞允恭長樂之定省抱槩創見結繩
未聞臣身遠帝暉心蔽天顧五十而暮更加大舜
之年八千為春願效華封之祝

賀 至尊壽皇帝受尊號表

為天子之父尊之至以何加得大德之名道之高
而象發于嗣聖酌彼民言臣某 中賀 竊以高云甚
武之王固非自伐漢曰太平之帝孰以為宜雖聖
愚之不侔豈稱謂之毋我恭惟 至尊壽皇聖帝
陛下視古無遜與天為徒夏清冬溫欲躬曾閔事

母之敬朝政夕令遂託堯舜倦勤之辭旣脫屣以甚輕視鴻號而不屑然壽為五福之首而聖則萬善之元二者何先兼此而有黼鏤白玉宜冠以至尊之稱日射黃金更勝以重華之目於赫鉅麗用光前聞臣身留遐方目擊盛事有虞二典未必如今日之兼隆作宋一經顧可料諸儒之乏使

賀 皇帝奉上 壽皇 壽成尊號表

御天有俶首勤萬乘之尊熙號維新丕二親之懿
盡厥愛敬通于神明臣某 中賀 恭惟 皇帝陛下
聖德無加皇猷允塞乃命以位方當系統接緒之

初欲報之恩有在侍膳問安之外踐熙春之和暢
奉大冊之烈光有父之尊有母之親用欽崇於嘉
慶謂天蓋高謂地蓋厚極擬議於鴻名掩竹帛之
所書且開闢而未睹三宮相望萬福攸同臣屬以
守符籙在外服振鷺于下雖莫綴在廷之班倉庚
鳴春或能詠太平之盛

賀紹熙 皇帝冊立 皇后表

歷服初元天臨諸夏家邦內助冊拜長秋慶先宮
闡離浹寰宇臣某 中賀 竊以乾健坤順一氣密運
於二儀日光月明萬物仰瞻於兩曜惟帝及后若

陽與陰美教則人倫明正家而天下定恭惟

皇帝陛下修己以敬化民以躬王業艱難念久同
於勞佚慈親定省復多歷於晨昏既六龍之御天
宜四星之正位表儀中禁情載函生惟內有關雎
鵲巢之風則外有無逸立政之治臣名簡隸迹非
遠臣恭儉服澣濯之衣已相觀而身履夙夜有警
戒之道豈小補於君尊

賀 壽皇立紹熙 皇后表

大君有命屬元子而宅中同令而言諉冢婦而治
內正治周密詒謀深長臣 中賀 恭惟 至尊壽皇

聖帝陛下至誠如神游心於淡謂養以天下何如
釋位以事親而對於嗣君自有同德而作合付以
家國夫何顧憂長發其祥不顯亦世臣珪符有守
觀闕惟懷望穆穆之清光遠而無極舉欣欣而喜
也樂且有儀

嘉定元年春三月男

長孺 編定

端平元年夏五月門人羅

茂良 校正

誠齋集卷第四十六終